

Aaparahamu ni Isaaki

(“Mukucho” tiwi omwiipha mwaashinama oomvaha Muluku.)

Sawaakhula:

1. Anamuteko ahayi yaakele omwaako ni Aaparahamu?
2. Isaaki aahaala wiiphiwa ni esheeni?
3. Taani aalonce wi Aaparahamu ahimwiiphe Isaaki?
4. Ni masu vakhaani, muloce echu yeeyo muhusenryaanyu.
5. Mukucho tisheeni?

Ficha Técnica

Título: Aaparahamu ni Isaaki
(Abraão e Isaac)
(Abraham and Isaac)

Língua: Elomwe

Ilustrações: Art of Reading 2.0

Primeira edição electrónica, 2010

Produzido por: SIM
lidemo.net@gmail.com
C.P. 652
Nampula, Nampula
Moçambique

O utilizador pode copiar e distribuir a obra



(Baseado na passagem Bíblica: Génesis 22.1-18)

SIM
C.P. 265
Lichinga, Niassa, Moçambique

Muluku aamwiichana Aparahamu:
“Aparahamu!”

Owo aahaakhula: “Miyo kiri va.”

Muluku aahi: “Omukushe mwanaa Isaaki,
onamuchunaasha. Miyo kinanwooniha mwaako. Oye va
mwaako vaavaa. Omuhelele mwanaa mukucho.”

Mmeelo mwaya, Aparahamu aavinya ni Isaaki.
Aavinya tho ni anamuteko awe eeli.

Naari nihiku na neeraru. Aparahamu aahi wa
anamuteko awe: “Muhale vaava. Miyo ni mmiravo nnaya
iwe. Nnaya omuthamala Muluku.”

Mmiravo aahi wa apaapa awe: “Epucepuche ene ya
mukucho eri woowi?”

Aparahamu aahaakhula: “Muluku onannivaha.”

Aparahamu aapaka nipuro na mukucho. Yoowo
aamukuhavo Isaaki vasulu. Akusha mwaalo wi amwiiphe.

Mwamvayi,
munkeelo aaloca wirimu.

Munkeelo a Muluku
oohimala aahi:
“Aparahamu.”

Aparahamu aahi:
“Mi kiri va.”

Munkeelo aahi:
“Ohimwiiphe mmiravo.
Vano koosuwela wi
onnamwiivelela Muluku.
Weyo homwiimanne
Muluku mwanaa



mmoharu. Nari honvaannye.”

Aparahamu aaweha mmakhwipi. Aahoona
epucepuche emakeleliwe vanipuchoni. Yoowo aakusha.
Aparahamu aahelala mukucho epucepuche. Mwanawe
haakhwile ntoko mukucho.

Muluku oohimala aahi: “Miyo koohakalala vawi
weyo oheera yeela. Miyo kinnoororomeliha:
Kinamooreelishasha. Anamwane aa, anamwaacasha.
Anamwane aya anamwaacasha. Anamwane aya tho
anamwaacasha. Yaawo anamwaawerya amwiicani aa.
Miyo kinamooreeliha. Mwa weyo kinamureeliha
maloko oothene elapo yavathi. Weyo oheerano yeeyo
koorummaaka.”

